



08-1-2914/09  
Sarajevo, 20.02.2009.

✓

**BOSNA I HERCEGOVINA**  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO: 24.2.2009.			
Organizaciona jedinica	Klasifikaciona oznaka	Redni broj	Broj priloga
01-50-1	15-4409		

**PARLAMENTARNA SKUPŠTINA BIH**  
**ZASTUPNIČKI/PREDSTAVNIČKI DOM**

**SARAJEVO**

Predmet: Odgovor na zastupničko pitanje

Na 44. Sjednici Zastupničkog doma Parlamentarne skupštine Bosne i Hercegovine, održanoj 21.siječnja 2009.godine, zastupnik Branko Dokić postavio je sljedeća zastupnička pitanja:

1. Zašto je Vijeće ministara BiH donijelo Odluku kojom se državljanima Ruske Federacije traži viza za ulazak u BiH, a da prethodno nije najavilo tu mjeru i obavijestilo zainteresirane, kako je to uobičajeno?
2. Koje su to nove okolnosti kojim se Vijeće ministara rukovalo donoseći takvu odluku?
3. Kako je moguće da ministar vanjskih poslova, Sven Alkalaj, kako je sam izjavio putem medija, ne zna za takvu odluku, tvrdeći da čak ona i ne postoji?
4. Ako se zaista radi o štamparskoj grešci, kako u medijima tvrdi pomoćnik ministra Alkalaja, šta je Vijeće ministara uradilo da se "greška", koja prijeti da dovede do diplomatskog skandala, otkloni?

U svezi sa naprijed iznijetim zastupničkim pitanjem dostavlja se sljedeći

**ODGOVOR NA ZASTUPNIČKO PITANJE**

Vijeće ministara BiH nije donijelo nikakvu Odluku kojom se državljanima Ruske Federacije traži viza za ulazak u BiH. Samim tim Vijeće ministara nije ni moglo najaviti tu mjeru i obavijestiti zainteresirane.

Uvjeti uzajamnih putovanja državljana Ruske Federacije i BiH uređeni su Sporazumom između Vijeća ministara BiH i Vlade Ruske Federacije o uvjetima uzajamnih putovanja državljana BiH i državljana Ruske Federacije koji je stupio na snagu 10.03.2008.godine.

Ovim Sporazumom (članak 7.) predviđeno je da državljani jedne od strana ulaze, izlaze i borave na teritoriji druge strane do 90 dana bez viza uz original poziv ovjeren u skladu sa zakonodavstvom države druge strane, u svrhu poslovnih kontakata, stručne, znanstveno-tehničke, obrazovne, kulturne i sportske djelatnosti, kratkoročne obuke, liječenja, kao i privatne posjete.

Točkom 2. istog članka propisano je da državljani Ruske Federacije ulaze, izlaze i borave na teritoriji BiH uz original ugovora o pružanju turističkih usluga (vaučera) na rok do 30 dana bez viza.

Odlukom o vizama donesenoj od strane Vijeća ministara BiH objavljenom u "Službenom glasniku BiH" broj 100/2008 propisano je (članak 8.) da državljani Ruske Federacije, nositelji običnih putovnica ne trebaju vizu za ulazak i boravak na teritoriju BiH do 30 dana ako posjeduju ovjereno pozivno pismo fizičke ili pravne osobe ili ugovor o pružanju turističkih usluga (vaučer o uplaćenom turističkom aranžmanu).

Dakle, nesporno je da državljani Ruske Federacije ni po osnovu ugovora ni po osnovu Odluke Vijeća ministara BiH ne trebaju vize za ulazak u BiH, ukoliko posjeduju valjanu dokumentaciju koja se traži kako ugovorom tako i navedenom Odlukom.

Jednako tako je nesporno da na temelju naprijed citiranih propisa, kako ranije tako i danas, državljani Ruske Federacije trebaju vizu za ulazak u BiH po bilo kojem osnovu za svaki namjeravani boravak u BiH preko 90 dana.

Ministarstvo vanjskih poslova BiH ne može utjecati na različite, ponekad i zlonamjerne i tendenciozne natpise u BiH tisku. Svim medijima u BiH bile su dostupne ove informacije i iste su mogle biti provjerene ukoliko je postojao stvarni i iskreni interes za to.

S poštovanjem,

